

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Dialogorum sacrorum Libri Quatuor

Châteillon, Sébastien

Basileae, 1565

Discalceatus

urn:nbn:de:bsz:31-102436

tem & misericordiam, qui tam comiter confirmes
animum meum consolando: cum tamen indigna
sim, quæ uel in ancillarum tuarum numerum ue-
niam.

SENTENTIA.

Pij fauent pijs, eisq; benefaciunt.

DISCALCEATVS.

Ruth. 4.

ARGVMENTVM.

Boozus, recusante altero propinquo, e-
mit bona Noemis, eamq; ducit uxorem.

Boozus, Propinquus Ruthæ,
Senatores.

Hec tu qui hâc transis, ades dum, paucis te
uolo. P. Quid' nam id est? B. Consiste hic
paulisper, dum euoco aliquot de senatoribus ciui-
tatis, qui transeunt per hanc portam, ut adsint nobis
in hoc negotio. nã seria res est, egetq; testibus. Heus
uos senatores, quæso uos, ut accommodetis huc no-
bis aliquantisper uestram operam: non faciemus lon-
gius. S. Adsumus, dic quid uelis. B. Partem fundi,
qui fuit cognati nostri Elimelechi, uenundat No-
emis, reuerfa ex agro Moabitarum. Hanc rem ui-
sum est mihi ut tibi significarem, ut si empturus es,
emas in præsentia senatus nostri: sin minus, indices
mibi. Nemo est enim cognatus propinquior te, se-
cundum quem ego sum. P. R. Ego uero emam. B.

a In portis
urbium erant
curiæ.

e s Sed

Sed cum fundum emes à Noemi, & à Rutha Moabitide, uxore demortui, emes ea conditione, ut ipsam Ruthā ducas in matrimoniū, ut ^b suscites nomen illius in eius hereditate. P R. Non licet mihi hac lege emere, ne corrumpam patrimoniū meū. Eme tu si uis, meo loco: mihi quidem emere non licet. Atq; in huius rei testimonium, accipe calcem meum de manu mea. Ego quem admodum exui me hoc calceo, ita testor me cedere tibi meū ius in hac re. V. Vos senes, & populares, hodie mihi testes eritis, ut ego emam omnia bona Elimelech, & Cilionis, & Machlonis, à Noemi: utq; mihi uindicem in matrimonium Rutham Moabitidem, coniugem Machlonis, ut consulam nomini demortui in eius hereditate, & ne eius nomen tollatur ex eius cōsanguinitate & patria. Vos hodie testes nuncupos. S E. Testabimur. Faxit Ioua, ut mulier ista quæ est intratura tuam domum, tam sit foecūda, quam fuerunt Rachel & Lia, quæ duæ prole instruxerunt domum Israeliticam: utq; egregium quid facias in e Ephrata, & tibi nominis samā compares. Bethlehema, fiatq; domus tua similis domui Pharis, quem Iudas sustulit ex Thamare, progenie tibi à Ioua data ex puella.

SENTENTIA.

Qui uult defuncti possessionem, habeat & uiduam. Qui uult quod placet, habeat & quod displicet.

S A M-

b prolem ex
Rutha susci-
pias, quæ de
mortui dica-
tur, secundū
legem.

a id est Beth
lehema, ut
mox de-
clarat.